

# Mai à Tumbà

In quella scola di Parigi  
Ci riscuntraimu eo è tù  
Scalendu di le nostre isule  
A toia in ghjò, a meia in sù  
In camera tutte le notte  
à rumbu biancu è à caffè  
Barattavamu le nostre isule  
A toia à mè a meia à tè.

Ripigliu :

Nò, mai à tumbà  
U ricordu, u ricordu  
Nò, mai à tumbà  
U ricordu di quell'età.

Dicie :” in què u paese  
Ma chì simu venuti à fà  
Quindi ci crescenu l'offese  
Ma u bisognu ci fece stà . “  
Soga era listessu battellu  
Chì tremindui ci pigliò  
Cum'è la luce chjappa l'acellu  
Per un pughu di baiuccò.

Tandu ci mancava lu sole  
I so pezzi i sapie piattà  
In lu focu di un piverone  
In la to gioia di ballà  
è scaccanave quand'eo dicia  
Chì ghjere lu moru per mè.  
È u pudere di la risa  
L'aghju amparatu accantu à tè.

È l'acque chjare di u to lagone  
L'aghju intese tantu ammentà

Eo Carhunaccia è Vilone  
Ghjera sempre prontu à vantà  
Ma s'ella c'hè una cosa vera  
In quellu tempu chì ùn hè più  
Un pezzone di la mio terra  
Lu m'ai fattu scopre tù.